

# 願文

喻蘇斗

諸佛佛法空行母 大樂遊戲之化身 作愚痴者之智露  
腦舉之名各地聞 其心大悲風之力 佛之智海集中者  
由海水中而流出 世間輪迴可除法 此即施身之寶庫  
此則甘露之灌頂 無知不全或不合 心中大量而原諒  
無有廢棄而印行 功德白法如月光 正法具足之正見  
如宗喀巴之日光 無有衰落及末法 暇滿人身不喪失  
善知識者如駕航 口訣如旗而導引 佛土彼岸可到達  
超出輪迴證佛位 法規如教及末法 不落世間之事業  
我執之魔早消滅

## 筆受者跋

裝巴阿叟不通漢語，余又不識藏文，聊以昔年侍師譯經耳濡心憶之少數藏文名詞，與譯者揣摩記出。明知掛一漏萬，然已寫各章，要皆順理而不違佛教。希望拋磚引玉，異日有精通漢、藏文字者，再行詳譯而校正之也。

時在西竺五槐茅蓬閉關二十一年矣！ 民國乙未夏日 陳健民謹識



明版

田賦齋讀頌集

錢謙

(干齋)



# 序

嘗讀佛經，聖衆對佛陀功德，咸以歡喜讚歎表其敬仰之忱。屢欲仿行，而未得實踐。今所印《曲肱齋讚頌集》者，陳健民居士所作，殆先得我心者也。居士承事康、藏大德三十餘位，閉關修習凡二十年。其聞法之博，思維之深，修持之精，吾漢人之學金剛乘者，無出其右。故 貢噶師佛駐錫長沙時，即已開許其作儀軌，以資普傳。而張澄基君用其所造之綠度母火供儀軌，於第一次上座時，即感晴天霹靂之瑞應。當時請示於西藏大寶法王，許爲居士所造之法本當名聞於世界。最近外國佛教徒多有用居士之綠度母儀軌而修持者，殆信而有徵焉矣。又此集之作，原爲居士多年關中自作自誦者，或爲護法所勸請，或爲天語所啓示，前後十餘年，長短數十種，褒然成帙，蔚爲大觀。其中如《常憶念頌》，成都、重慶同學分別傳鈔，紙貴一時。其他讚頌，經同學念誦而具感應者亦多，而陳君無心刊

佈公世也。世華具縛凡夫，聞法亦晚，冗於世事，更尠修持；惟對居士之見之行，衷心敬佩，五體投地。最近以居士定中觀察香港、九龍半島有大黑天道場，在此修建關房，可有五人成就，不揣愚昧，願爲玉成，故請將此集壽之棗梨，以作將來關中同人課本。他日者，關內關外，讚頌同聲，法音宣流，皆大歡喜，則不獨閉關祈禱者得證佛果，世華償其素願亦與有榮焉，是爲序。

佛曆二五〇一年歲次丁酉上元節新會李世華敬序

# 本師釋迦牟尼讚

敬禮

本師釋迦牟尼佛

如雷震醒蟄眠無明衆，似處牢獄推開鐵窗月，清明圓明揭出如來藏，伊誰之恩涕泣感文佛。業絲幻網如蠶繭自縛，治之愈勞無解脫希望，依離心智照了無作者，伊誰之恩涕泣感文佛。涅槃安樂秘密自證智，不由修生俱生自受用，如數家珍和盤以揭出，伊誰之恩涕泣感文佛。勝義光明周遍且相續，拈花以示離詮真實諦，令衆通達輪涅無二分，伊誰之恩涕泣感文佛！

民國三十五年丙戌浴佛日造于石羊塘，天空見虹。

# 曼殊師利菩薩摩訶薩讚

敬禮

古佛示現妙吉祥菩薩摩訶薩前

從彼古佛示現法長子，慧劍去癡亦能逼世尊；五髻童子能賜無死果，禮讚唯一慧命依怙前。非同依他而成真實地，如來直指爲尊之道場，慧風四起印藏古德集，禮讚具德五台山主前。緣起真實妙慧大圓滿，能救偏空僮伺野狐禪，如量抉擇變現宗喀巴<sup>①</sup>，禮讚親見光明所顯前。華嚴能伏龍樹大智者，妙創玄觀變現杜順師，果位方便恰與密法合，禮讚開顯事事無礙前。能除貧乏福慧兩足尊，惟呼審審能滿一切願，靈山慧水親嘗後夢見<sup>②</sup>，禮讚雙運文殊父母前。婆子示現五台山大道，逢人引導令彼薦直去，趙州勘完也曾親見之，禮讚離垢解脫祖師禪。古德修悲積久未成就，擲版于空求尊爲印證，尊從空接示現悲智契，

禮讚大智能生大悲前。充滿衆心恆順衆生意，令衆歡喜大願及仇魔，唯尊大智能令大願滿，禮讚文殊真實名經前<sup>③</sup>。或示伙頭或示登徒子，遊戲神變無非法解脫，乃至示現乞丐爲負荷<sup>④</sup>，禮讚怙主一切化身前。淨玄密禪四門皆尊重，有志復興爲救衆生苦，如尊大智大悲大事業，禮讚賜此加持法王前。願尊開顯六道衆本覺，願尊大願加持我圓滿，願尊賜如聲音佛母伴，願尊交付無上智慧劍！

戊子中秋前夜，夢一修文殊法行者，囑造此讚；晨起龍時造此。

陳健民記。時在北天竺仙境茅蓬閉關。

註釋：

- ①：余在西康鑪霍閉關時，晨坐忽有光明自頂湧出，初見文殊，次轉成宗喀巴。
- ②：余朝靈鷲山時，曾飲文殊佛母、聲音佛母所加持之溪水，是夜夢中見聲音佛母。
- ③：《文殊真實名義經》爲修密者所必讀，其中余常念：「在彼一切有情心，隨順一切有情意，充滿一切有情心，令諸有情心歡喜。」四句。
- ④：虛雲老法師自普陀三步一拜至五台，文殊化身一乞丐代彼負荷衣具。詳見老法師傳記。

# 大悲觀世音菩薩摩訶薩讚

敬禮

無異千手千眼大悲觀音貢噶上師前 敬禮

三世諸佛悲心總集體前 敬禮

大悲勝海諸護法守者聖衆前

感應周遍一切時與處，未見先遇于夢境光明，膜拜尊前與大悲無異，既見如故首當讚師尊。羯磨杵相親睹尊眷現，法王夢中懸記根本師，二足獅子與龍爲莊嚴，應在弟子首當讚師尊。化現賢劫千佛一切尊，喜樂密時四座金剛持，乃至悲淚示現度母尊，憫衆難度甚至粉碎身。威力變現十一面觀音，千手千眼感彌陀爲頂，蓮師貢師無分至于今，順緣增上令行者成就。化現六臂大黑天尊身，逆緣增上令行者精進，化現自在天王之魔軍，身業功德變現復變現。帝網重重譬喻所難盡，

變普賢身而出文殊舌，上承四維上下諸佛力，難以敬讚大悲觀世音！  
哀我小子欲讚何能盡？南瞻部洲除彼已聾者，何處何人不聞六字明？  
六魔六病六障皆摧毀，六害六曜六毒悉除盡，六劫六關六惑都消滅，  
六種悉地無礙而證成，六道皆證佛六道次身。無始以來多少諸行者，  
無論智愚念此已往生，直至佛法最後將滅時，此六字明不斷在人心。  
盡一切經一切勝真言，功德殊勝能普三根者，更無有逾六字大明恩，  
豈僅念者可以得超昇，聞者遇者見者毀謗者，緣俱義利無有不蒙恩！  
大悲長咒感應久昭著，解脫諸難早經古人傳，乃至其他變現諸真言，  
一一無非悲心之結晶。語業功德變現復變現，地水火風大明音周遍，  
變普賢身而出文殊舌，上承四維上下諸佛力，難以敬讚大悲觀世音！  
哀我小子欲讚何能盡？事業變現三十二應身，無貴無賤無分富與貧，  
無善無惡但得一心信，莫不恩蒙大悲觀世音！水火刀兵瘟疫與饑饉，  
病魔罪障一切所出生，聞聲救苦大悲觀世音！行者所求無緣同體悲，  
乃至五智卅七菩提分，無不滿願大悲觀世音！密智母與四方四空行，

能令行者大樂無方分，無不相應大悲觀世音！任何行者修空或其他，悲心不生無有成就分，空悲無二大悲觀世音！一切諸法本來觀自在，如尊所入般若門甚深，不增不減心佛同衆生，不生不滅不垢亦不淨；諸古德輩遠朝西竺時，遇難得救唯依此心經。妙理契合無緣大悲心，以空即色悲願無窮盡，以色即空無明無無明，令衆度厄復得全慧命。深恩重重何時得相應，空悲雙融與尊同一身？心業功德無盡復無盡，彌高彌堅似遠還似近，變普賢身而出文殊舌，上承四維上下諸佛力，難以敬讚大悲觀世音！哀我小子欲讚何能盡？末世衆生難調更勝前，我發如尊無緣大悲心，何日得具與尊同體德？殷重啟請大悲觀世音！世間自在三十大願文，我愧無德至今未圓成，願尊破格大悲以攝受，令我大悲大智大力生，度盡六道莊嚴大悲心，迫不及待悲淚不能禁，頂禮祈求大悲觀世音，願垂加被自他速圓成！

戊子六月十九黎明，睡光中蒙紅、白二當今多吉勒巴化身囑我造讚，因撰此頌；回向當今多吉勒巴無窮事業，疾速圓成。

時在北天竺仙境茅蓬閉關。陳健民識。

# 普賢菩薩摩訶薩讚

敬禮

大願普賢菩薩摩訶薩前

普賢瑞誕加持力，濡墨和淚讚普賢！願我聲聲出普賢，願我筆筆落普賢，願衆心心契普賢，願時刻刻見普賢，願地處處遇普賢。最初之佛普賢王，最勝之因普賢願，最大之道普賢行，無盡之果普賢位。惟善之中半普賢，惡中修善滿普賢，一切病中現普賢，一切魔中顯普賢，一切事中露普賢，一切道場住普賢，十種玄門盡普賢，萬卷華嚴一普賢。衆生無盡普賢壽，我願無盡普賢心，事業無盡普賢德，願衆堪入于普賢；從罪中出成普賢，從業中出證普賢，從空中出行普賢，入有中去作普賢。

佈施出生普賢捨，忍辱出生普賢悲，持戒出生普賢慈，  
精進出生普賢力，禪定出生普賢喜，智慧出生普賢光；  
五相成身修普賢，六大瑜伽遍普賢，娑婆轉成普賢土，  
闡提皆生普賢心，行人皆滿普賢願，到處建立普賢幢，  
妙欲受用普賢樂，十方無盡普賢身，三世一如普賢命，  
縱橫圓遍一普賢，證無死果報普賢！

壬辰二月廿一普賢瑞誕生，時在北天竺五槐芽蓬開闢。

註釋：

①：紅教稱最初佛曰普賢王如來，藏名滾都壯博。

# 晨課常誦啟請短頌

(凡二十一種)

敬禮

上師本尊空行護法海會前

貢師啟請頌

虹身光明與雷電<sup>①</sup>，大德大灌根本師，飽餐法乳授四印<sup>②</sup>，願速親見金剛持。

諾師啟請頌

以誰大力大方便，大圓滿法最先傳，慈眼獨注蓮師灌，禮讚大恩諾師前。

親師啟請頌

德格廣宣妙法要，特授不共大灌頂，灌盡五百多寶尊，學海無盡前頂禮。

### 大寶法王啟請頌

一切師中最高師，一切決定最後定，蓮華生與三世智<sup>③</sup>，無二授衣王前禮<sup>④</sup>。

### 大敬、嚴定、色卡、根桑四位上師啟請頌

大悲攝受加行滿，嚴密抉擇如量持，身教言教無上智<sup>⑤</sup>，具恩諸師祈加持！

### 惹那多吉師啟請頌

具德具恩阿闍黎，香巴家業之根源，無死殊勝虹身果，圓證方能報師恩。

### 薩迦派上師及其他各師啟請頌

最初傳授卡雀拳<sup>⑥</sup>，最後傳授三紅訣<sup>⑦</sup>，乃至一灌一見師，圓攝于頂祈加持！

馮大阿闍黎啟請頌

萬里恍如入室然，床頭咐囑許單傳，何時飛杵酬恩去，覺海中流泛普賢？

蓮華生大士啟請頌

烏金西北隅，花莖蓮胚上，得勝妙成就，名稱蓮華生；

衆空行圍繞，我如尊修成，請降臨加持。古魯白馬洗底吽！<sup>⑧</sup>

移喜磋嘉佛母呼籲啟請頌

夢授三灌大恩母，親示蓮宮大恩母，爲師作伴大恩母，現前降臨大恩母！

### 密勒日巴祖師啟請頌

降生北方洙河畔，不受世間過染污，難行能行甚希奇，啟請最勝密勒尊！  
已受離詮大樂位，清淨三有手印縛，蓋由燒化契俱生，啟請最勝密勒尊！  
依甚深粗顯細點，加持我得細覺受，秘密壇城之總主，啟請最勝密勒尊！  
無漏中脈種子現，大悲淨取三有道，勇猛能力示現身，啟請最勝密勒尊！  
我也不斷除輪回，且不趨入涅槃道，密勒空行自在王，祈賜殊勝大成就！

### 仰米達波祖師啟請頌

三世諸佛悲心共顯現，雖僅聞名消三有熱惱。無等滿願法王剛布巴，  
無比加持明行醫比丘。隨念莊領札巴即如意，隨欲念大寶醫王亦遂；  
隨作念月光童子皆成，口傳諸師悉以爲頂嚴。願福寶尊大悲以攝受，  
願大波寶常常垂攝持，值此五濁惡世諸衆生，願寧貢法王化身救護，  
願得如尊依怙主之位，願尊教化行者悉增長。

噶馬巴祖師啟請頌

大悲蓮師所轉生，現比丘儀兮嚕噶，能力神通得自在，禮讚噶馬巴洗前。

右三頌筆受於 貢師

無我母祖師祈請頌

賜除煩惱賜顯俱生智，賜調氣脈賜證無死果，賜伏魔軍賜攝十法界，  
禮讚現前示現無我母<sup>⑨</sup>。

畢哇巴祖師祈請頌

功德巍巍不可思，師無我母也蘇師<sup>⑩</sup>，空行祕密集輪主，願賜如尊大總持！

抽米朗足祖師啟請頌

七次辛勤禮西竺，勝法今僅餘一線！祈賜無死長荷擔，禮讚抽米朗足尊。

宗喀巴祖師祈請頌

大悲大智與大力，文殊化身具三德，妙說緣起救偏空，福慧兩足師前禮。

金剛手菩薩啟請頌

一切如來秘密主，出生今嚕噶宗師，鑒納空行誓句者，賜我快成金剛持。

綠度母祈請頌

敬禮大救度母前，垂賜本來清淨禪，令諸行者離魔障，大樂智慧佛果圓。

多聞天王祈請頌

萬象繁興無厭倦，無量諸作祈助辦，曾護文佛之道場，降格從我王前讚<sup>①</sup>。

## 韋陀菩薩祈請頌

敬禮韋陀大菩薩，令我能神變活潑，具足金剛持德相，建大法幢傳衣鉢。

右晨課常誦啟請頌二十一種完

註釋：

①：授密勒祖師灌頂時，天空現虹；授「勝樂金剛灌頂」時，天空現白、紅、藍三光；授「不共大黑袍灌頂」時，大雷、大電與鈴鼓同時起。

②：四印者：大手印、智慧手印、事業手印、法手印。其中，事業手印諸師皆秘而不傳，貢師特為本人破格先傳。

③：三世智即藏名丟松傾巴，即是第一代大寶法王，贏得十萬空行母髮冠者。

④：大寶法王曾于蓮師會供大壇城中，授以鈴、杵、佛龕及傳法白衣，上書咐囑傳法之語甚詳，愧我無德，至今未敢受用也。丙申冬月誌。

⑤：色卡上師，不通漢語，以身教。根桑上師，精通漢語，以言教。

⑥：余自峨嵋金頂出關赴成都，汽車中現一圓光，中有上師相；至則見登尊扎巴上師，一如光中相，受灌

頂甚多，並傳孝法。

⑦：宗薩親尊上師在本寺閉關，特許入關中傳授「三紅法口訣」。

⑧：此頌依嚴定法師筆受。

⑨：右頌「賜」字原作「令」字，依天語改「賜」字。趙幼秋女居士及其丈夫羅膺中居士，初誦此頌，皆見無我母。

⑩：祖師以無我母為師；師女性也，得蘇卡洗底為弟子亦女性也。

⑪：余朝印度，擬久修持，深恐人地生疏，無有護持者，乃蒙天王示現。

# 諾那上師讚

敬禮

具德根本上師諾那活佛前

瑜伽無上金剛乘，不動實際我皈依，豎窮三世橫十方，一心依止善知識。  
無量功德本師寶，具足諸佛波羅蜜，大樂大明大方便，法爾金剛大總持。  
三千大千無量界，十方地水火風空，自他一切身口意，平等心願供師尊。  
罪福原來無自性，貪瞋癡等本不生，虛妄分別之所起，住無懺悔而懺悔，  
無修而修無證證，無度而度攝受盡，本師無邊廣大業，願住大樂而隨喜！  
無盡法界塵沙海，廣大清淨妙莊嚴，住於不住無量劫，本師恆轉妙法輪。  
我此禮讚供養福，請佛住世轉法輪，隨喜懺悔諸善根，願顯有情本來佛！

# 蓮華生大士頌

敬禮

蓮華生大士主眷前

密海恩源無死蓮華生，莊嚴教化無死二佛母，荷擔事業多吉勒巴尊，當前示現無礙光明中。釋迦爲身阿彌陀爲語，大悲觀音三尊總集體，每逢初十神通自降臨，當前攝受無礙光明中。大印事印密法之精華，主教助教空樂師父母，受恩甚深誰更逾於我？當前親教無礙光明中。忍小就大決成金剛持，接最後機無死長報恩，衆生待救任重而道遠，當前成熟無礙光明中。鐵鳥飛空蓮形已出土，種種授記中國正當時，受恩甚深誰更逾於我？當前咐囑無礙光明中。任何指示任何正當作，一切唯命無有不從者，時量提早證量大圓滿，如此無比殊勝大事業，惟求上師父母垂加持！

戊子五月造於北天竺仙境茅蓬

# 師母移喜磋嘉讚

敬禮

無異亥母移喜磋嘉上師前

無邊瑞兆擁護來，從大樂宮而降誕，法王國王之莊嚴，持續密法師前讚<sup>①</sup>。  
能授蓮師以大樂，能爲蓮師作密傳，能令蓮師法增長，大智法主師前讚！  
無邊功德集一身，難調能調甚希奇，神通能空地獄衆，大悲大力師前讚！  
夢中安住尸托林，蓮師左方示尊嚴，爲降魔後傳慧灌，親示蓮宮師前讚！  
無漏方便傳口訣，雙運姿態蒙親示，蓮師亦轉本尊身，充母助教師前讚。  
何時得於光明中，現身爲師復爲伴，我謹殷重而啟請，願母恩源常不斷。  
如尊化身蘇卡師，常作抽米師助伴，我亦如是謹叩禱，願母破格而開恩，  
疾速親現於我前！

註釋：①：詳見拙著《塔髮集》中。

# 師母們都那哇讚

敬禮

無異亥母們都那哇上師前

無死蓮師大神變，惟師佛母所感召，以身莊嚴顯師德，水火自在師前讚<sup>①</sup>；  
難調能調助神變，化度功德難思議，能傾全國王臣衆，皈依師尊母前讚。  
深巖伴師修雙運，兩兩成就無死身，如此殊勝之果德，無量拜倒師前讚！  
虹光無死之根本，大樂大空之智慧，如母美稱大樂王，願速親見師前讚。  
我以無方分信心，信母能速如誓現，又以無方分悲心，爲利衆生願速見：  
修氣修空修雙運，盡其一切之支分，凡所有能見師者，願我疾速能積集，  
願得師母爲助伴。

註釋：

①：詳見《塔髮集·蓮師本傳》中。

右二讚戊子六月初十造於北天竺仙境茅蓬

# 勝樂金剛讚

敬禮

上師勝樂金剛無分前

嚇爲無生體空超言詮，嚙爲無滅離於衆因緣，噉爲無依不住任何處，  
禮讚普賢如來所顯前。飲者受用無漏大樂花，血者諸佛慧命之精華，  
常樂我淨四德總集者，禮讚本尊勝樂金剛前。天衣欲飛氣概何軒然，  
十字杵高事業任運圓，菩提半月愉悅無窮盡，禮讚本尊上方勝莊嚴。  
不入虎穴焉能得虎兒，以毒攻毒取所調虎皮，無畏解脫出入蓮花裡，  
禮讚本尊下方妙威儀。諸法清淨妙欲淨無邊，俱生大智顯露歡喜禪，  
誰能體味剎那超三界，禮讚本尊所抱亥母前。身受心法四念金剛堅，  
息增懷誅四事自在全，四身四智四德皆配合，禮讚本尊四方空行前。  
遊戲神變解脫成天真，慧劍長倚護持密行人，鴉面無染變現復變現，

禮讚本尊化現護法身。巖處甚深尸林誰問津，降格相從主眷作山神，悲願宏深誓爲法戮力，禮讚本尊羅叉依怙身。我如小嬰仰瞻秋空晴，渾身拜倒何日慰我情，忽然顯現我心清淨裡，禮讚本尊二十四壇城。主伴三壇外護總集恩，惟念七字能消萬劫冤，轉變心識地道得自在，禮讚本尊無上妙真言。末世衆生貪欲極熾盛，甚深妙道險哉極難行，如蛇在竹或升或墮落，誰爲拔度悲泪仰壇城！妙法無比賢劫不常傳，似犯實守勒馬於巖懸，氣脈障難如盲處夜半，誰爲援手哭訴主眷前。具戒出離起分已深入，明空妙定菩提心增益，如斯感得亥母示現因，導瑜伽士各知所緩急。師恩覃深徹底通下情，本尊佛母愛我如小嬰，護法慈祥嘉善矜不敏，羣德栽培順緣助早成。啟請啟請金剛大抽擲，佈施妙智除衆心煩熱，啟請啟請蓮花大騰挪，佈施勝喜令住安樂窩。廿四壇城獨留猶未隱，究爲誰者我殷重啟請，願賜無死大樂智慧身，接最後機莊嚴大悲憫！

# 六類空行母讚

敬禮

六類空行母前

勝義光明母，無間靡遺現，須臾不離，任誰具本面。中央者  
智慧金剛母，離斷自澄清，意態嫻雅，生法本現成。東方者  
解脫事業母，無畏若火燄，襲掠魔心，盡性無拘檢。北方者  
大樂蓮花母，空房顯智喜，色舞眉飛，春風育桃李。西方者  
莊嚴寶生母，富麗孰比肩！光彩奪魄，摩尼在心田。南方者  
世間空行母，不動法本位，蓮出污泥，隨欲現嫵媚。世間者  
秋高無雲空，孰能體此意？纔得偃親，便登普賢位。中  
平淡嫌粉飾，裸體絕綺練，視線甫交，鏡影如相戀。東  
當體無情面，直下斬其全，殺活同時，無所逃於天。北

何分古與今？何分昏與明？迷人醒人，終古長依卿。西  
風月無盡藏，貴賤咸瞻仰，袖裡乾坤，心花長自賞。南  
玉骨而冰肌，月貌襯雲裳，空樂不遷，長爲大事忙。世  
懷寶行乞孩，狐掘而狐狸，何日云已，誓語其憶起。中  
日用不能知，歸而有餘師，坦道莫履，誓語其憶起。東  
如扶醉人然，東西各自偏，失之當體，誓語其憶起。北  
狗骨味自血，空樂不相契，墮入霧裡，誓語其憶起。西  
買櫝而還珣，反裘而負薪，昧平等理，誓語其憶起。南  
開發蓮花藏，身供殊大方，宏願貫耳，誓語其憶起。世  
本覺自明境，處囊如脫穎，鞭辟入裡，誓語其憶起。中  
無修離冀疑，平常不希奇，就在者裡，誓語其憶起。東  
貪瞋癡慢疑，體用不分歧，活脫在理，誓語其憶起。北  
色聲香味觸，一體五妙欲，心空及矣，誓語其憶起。西  
寶光如虹霞，平等性爲家，充滿法喜，誓語其憶起。南

今之勒古媽，與移喜磋嘉，蒞此蒞此，誓語其憶起。世  
今之長壽女，如作密勒侶，有以有以，誓語其憶起。世

辛巳五月廿五造於西康鎭霍關房中，夢阿松媽表示護持，並謂最喜「春風育桃李」一句。右頌每句各十九字，乃倣龍樹菩薩讚四臂大黑天格式。

# 啟請空行母衆憶起誓語頌

敬禮

空行總主金剛亥母 敬禮

空行誓句

空樂根本空行母，出生智喜蓮花樂，能與行者金剛持，憶起誓語我啟請。  
丟松傾巴成佛地，噶馬惹彼猶在望<sup>①</sup>，金剛手前曾發誓，以身爲伴助成就。  
行者發大菩提心，即身欲取無死果，空樂根本之所依，憶起誓語我啟請。  
戒犯未淨我當淨，啟請不誠我當誠，大印未深我當深，氣功未精我當精，  
明點未盈我當盈，噶馬惹彼所發誓，金剛手前所發誓，殷重啟請速憶起，  
現前示現作助伴。信心悲心兩契合，剎那當現于我前，三年五載縱不現，  
一息尚存不失信；我持我因終得果，不現亦無傷我因，設使此生不蒙現，  
臨終亦不退信心。生生世世常啟請，終有示現之良辰，誓句終不欺行者，

秘密主尊可保證。現已固是成就緣，不現策發精進因，爲利衆生願提早，此信固可契悲心。噶馬惹彼所發誓，金剛手前所發誓，殷重啟請速憶起，現前示現作助伴。昔日藏師朝印度，得遇勒古媽母佛，從天下降爲灌頂；又遇蘇卡洗底師，爲灌且作終身伴；蕩通借波大祖師，及其徒打那拉達，先後皆得遇空行。我以罪業繫縛身，生此末法之時代，信心不敢落師後，悲心當蒙勝于前。古代薩拉哈祖師，夏哇縷與雅火拉，皆依空行得大成。如彼祖師願效法，畢哇師蒙無我母，灌頂頓證六地位。如斯極妙勝因緣，願我此座即現起。蒙恩已得來勝地<sup>②</sup>，二十四壇猶未隱，如何得報深廣恩？惟有早日得親見，爲我上師當相依，直成無死不捨棄，長住人天爲導師。空樂根本我啟請！

註釋：

①：山在西康省之裏塘縣，丟松傾巴在此山成就勝樂金剛，十萬空行母各供一髮，共編一帽供之，並發誓

語：「願爲修行人之良伴。」

②：此句如係未朝印度者誦之，可改爲「蒙恩已得空行法」。

戊子六月廿五日造在北天竺仙境茅蓬關房中

# 金剛亥母啟請頌

敬禮

空樂根本金剛亥母前<sup>①</sup>

至心召請 亥母來顧 作金剛師 蓮宮乳哺 速證佛果 長生普度  
時已不早 人已將老 哀我盲修 瞎馬險道 父母荼苦 末法顛倒  
親眷雖離 師恩未報 任重道遠 證量難到 無餘望處 唯尊引導

註釋：

①：空樂根本之建立，詳見拙著《推恩集》，此頌即彼中之一支分。

# 護法海會衆總讚

敬禮

事業根本一切智慧護法事業護法諸聖衆海會前

無實廣大心，獨一而任運，性戒堅住，心密護本分。穩都借波

獨齒蒲巴尖，獨乳醍醐注，獨目慈瞻，悲徹三無住。阿松媽

慧目遍身閃，九乘舉其巔，仰箭射空，相乘不墮天。雅火拉

矢志且矢勤，太虛電光掣，法椎高舉，孰敢當大勢。當今多吉勒巴

本尊父與子，兼作護法事，蒲巴尖銳，能令魔善逝。蒲巴

吉祥大黑天，不動法性現，勝共依怙，普賢王本面。吉祥天母大黑袍雙蓮尊

妙樂遊戲身，秘密行調伏，哈哈嚇嚇，拙火令成熟。四臂大黑天

無緣同體悲，感應若回響，如母憶兒，聞聲莫不往。六臂大黑天

總護漢地法，遇難益顯威，微子戮力，吾其誰與歸？韋陀將軍

馬鳴風蕭蕭，法燈惟殘燄，寶幢重興，斷嫉破艱險。馬頭金剛  
財力與權力，三尊各共攝，鼻箭鉤索，法界無不及。三紅尊  
六十萬俱祇，諸佛所共現，魔障所在，滅于大火燄。不動明王  
五尊長壽女，智慧與事業，愛之固勞，真俗兩契洽。長壽女  
本尊所示現，伉儷咸威猛，空樂不分，引人入勝境。羅叉依怙  
華嚴經出處，龍宮多寶藏，雲行雨施，大地沐恩光。龍王  
大鵬金翅鳥，能掩蔽三界，萬毒可除，龍魔不能害。金翅鳥  
以身護教化，捧蓮師馬足，四天澤被，護關蒙恩多。四天王  
主宰諸魔軍，三界悉鎮伏，自在攝受，相依無敗劍。大自在天  
大威德所顯，心要法所在，無間護持，隻眼莫敢對。掘尊  
蓮師手中蠟，歸伏不二過，大力可使，魯陽其揮戈。大力尊  
獍猛忿怒身，勇力碎魔仇，神變難思，具誓助宏猷。藥叉大將  
虛空自在變，千尊黑母主，吞食三有，佛子飲獅乳。吉祥天母  
男女禽獸眷，鉤殺八業全，敲骨吸髓，四魔齊下咽。

一切黑色前，變現復變現，無量無染，不失本來面。  
獅虎鹿馬騾，羊龍牛神足，尋聲救苦，踏魔何慘酷。  
鉞斧蒲巴劍，弓矢矛棒椎，鈎索鎖鈴，武器列四陲。  
吽呬麻爵只，挫寫哈棒桶，麻拉雅呬，令死令懵懂①。  
虎豹象人皮，骨肉血心腸，旗展勝利，威力何揚揚。  
性戒當堅住，繁律自全具，我心嚮矣！誓語其憶起②。  
死魔中斷魔，天魔煩惱魔，消滅盡矣！誓語其憶起。  
禪病四大病，氣病傳染病，莫能入矣！誓語其憶起。  
盜賊等八難，違品不相亂，災障弭矣！誓語其憶起。  
衣食住空行，福壽權財名，順緣集矣！誓語其憶起。  
三十七菩提，八德五身齊，佛果圓矣！誓語其憶起。

註釋：

①：此上諸字，爲誅咒中譯音者。

辛巳造于西康鎮霍縣關房中

---

②：性戒見仰兌《大圓滿》，即無實、廣大、獨一、任運四條。拙著《反省錄》之《性戒篇》有詳細論列，可參看。

# 穩都借波讚 (註一)

敬禮

能除聖凡二執大自在護法王前

本覺智光爲能顯，離二邊者所親謁，無所守護大守護，諸佛衆生心密密。  
二頭二足二雙手，張二弓箭正射擊，上手右射除佛見，下手左射除凡執。  
二頭相疊皆半怒，黃色之中透紅色；黃表平等智能攝，紅表盡法界所攝，  
任運成就勝共德，具二離二二亦一。其餘身分青黑色，不動實際兩足立，  
爲表現成本具足，全身裸露無嚴飾。二分邪見魔自縛，箭令解脫施悲力，  
平等差別智雙運，四手自成四事業；四性戒者如任運，無實廣大與獨一，  
能不違反得守護，具大心者恆禮謁。

註：常寧極樂禪林出關後，入西康前，晨光中見此尊，一如讚中所言狀，高如成人，光彩奪目。入康途次，汽車中腹造此頌默求認可；果見二小孩戲于路旁，一持弓箭直射上空，一持弓箭射下方，觸車輪。既到貢噶雪山，以白師，師認爲雅火拉一類；乃爲造相，既成，求師開光時，師適在護法壇念

〔迎請頌〕，見余捧相至，頗爲歡喜。開光後，至德格朝大寶法王，王謂係前劫古佛大護法，其名曰：「穩都借波」。其後遇張澄基兄于印度，則謂嘗見敦煌古佛影片中有此尊，且具母佛，然在現時各派傳承中並無之。

# 五尊長壽女讚

敬禮

密祖不共護法五尊長壽女前

雪山密勒師，三到修慧髓，志應于正，聖女長相隨<sup>①</sup>。  
壽佛徹骨慈，變現九種姿，智慧事業，五尊兼荷之。  
如意無死脂，能解空樂饑，杵光高灼，解脫無畏獅。中尊  
智鏡當胸持，十界影在茲，法幢高舉，護教常孜孜。東尊  
勝樂調虎癡，妙味廣佈施，吐寶無量，平等以垂慈。南尊  
壽瓶甘露池，資糧矢志司，馴衆如鹿，妙緣常護持。西尊  
吉祥座相宜，調貪喜出離，如龍活脫，證果了無疑。北尊  
時乎不再來！無常日以催，任重道遠，延壽仰栽培。  
出離心如灰，寒山豈招財，童瓶身寶，微尊焉免災。

妙體安樂窩，俱生喜如何，一蒙護愛，頓顯阿彌陀。  
世事若空花，矢志餐野麻，一誠感矣，誓語其憶起。  
三昧雅所依，開脈騰身飛，真俗契矣，誓語其憶起。  
戒定慧以全，法報化以圓，有以有以，誓語其憶起。  
明照不滅光，通三世十方，證無死體，誓語其憶起。  
具德如我師，妙蓮祈垂慈，蒞此蒞此，誓語其憶起。

乙酉三月造於攸東天龍巖

註釋：

①：三到者，低處修時高處到；緩緩修時快快到；單人修時雙人到。師單修而長壽女到。

# 當今多吉勒巴讚

敬禮

荷擔蓮師事業當今多吉勒巴大護法前  
無死蓮華生，緣俱義利藏，事業無盡！伊誰堪擔當？  
具誓名稱遍，多吉勒巴尊，悲徹骨髓，如影隨衆生。  
心種紅黑只，以誅而懷之，光明周遍，魔背到芒刺。  
圓睜忿怒目，耿耿如虎視，襲掠魔心，令住大善逝。  
右手天鐵椎，椎擊心要幹，守護本淨，堅定大圓滿。  
左手鼓風筒，扇起智慧焱，燒盡三有，而不著草茵。  
騎具神足羊，如電光迅速，承辦事業，大力大振作。  
三界爲動搖，大地爲鎮伏，三百六十，兄弟威德足。  
十二護法母，斷犯戒身命，且猛且慈，如母怒撻嬰。

末世五濁盛，佛子沙中金，如護己目，主眷如僕媵。  
誰作煩惱者，違大圓滿見？抓破心魔，誓語其憶起。  
具見諸行者，堅固四性戒，遊戲神變，誓語其憶起。  
死魔與病魔，天魔煩惱魔，佛芽多障，誓語其憶起。  
巖處穴居者，久修未證者，開發功德，誓語其憶起。  
善妙承事者，大樂授予者，攝受順利，誓語其憶起。  
反蓮師法者，毀謗與阻障，緣俱義利，誓語其憶起。  
復興蓮師教，爲三有依怙，宏願相契，誓語其憶起。  
大教大果乘，大法大化導，大事大業，誓語其憶起。  
聞尊誓語者，誦此讚詞者，顯智悲力，誓語其憶起。

己卯冬至次歲春，閉關貢噶雪山，會供護法次，請問誰願護持余所撰諾師（金剛誦法十釋）者。夢此稿後，有歐陽森詩，詩後有當今多吉勒巴護法夫婦相，初不知彼有母佛也；其後問貢師，始知有十二位。辛巳閉關鐘霍，又夢囑造讚詞，並當做龍樹讚四臂大黑天十九字格，因造此讚焉。

---

## 〈大金剛輪咒明〉譯頌

皈命十方一切佛，大空境界離垢極，大輪金剛之三昧，勇健之極堅固極，  
如如極淨之大乘，智思維而正破壞，三慧成就最勝上，一切諸願悉圓成。

## 〈百字明〉譯意頌

敬禮大金剛密誓，頓然顯自性清淨，于大金剛心佛位，令我得堅固安住，令我顯真實自性，令我具最極勝樂，令我顯廣大自性，令我隨貪之自性，令我得一切成就，令我成一切事業，令我心具足大勇，令我起五智大用。大善逝一切如來，金剛本體莫捨我，令我住金剛自性，具大密誓大勇心，于法無生本體阿，起空樂大智慧吽，降伏一切魔仇呿。

右二頌就古德旁批註釋連貫成句，不必全合本意，未經譯師印證故；然理趣具在，必無傷大體也。

## 心、佛、衆三相續菩提心啟請頌

諸佛無盡大事業，衆生無盡諸罪福，我願無盡作中心，上下相續常啟請。如彼降神于行，承諸佛德生勝解；又如鬼附病人身，代鬼需索亦復然。我身父母所生者，我智諸佛所加被，于此無有自性我，捨利他外何所作？佛加被我利衆生，我攝衆生以皈佛，息息相續恆不斷，菩薩行願當如是。衆生住佛法身體，衆生資佛報身福，衆生啟佛化身悲；無衆則無有諸佛，無衆則無有菩薩，無衆則無有菩提。衆生曾作我父母，衆生是菩薩行處，衆生有諸佛示現，如彼文佛宿生時，示現大象及鳥身，度彼同類可爲證。由損惱衆墮三途，由利益衆證三身，恆順衆生佛最喜，損惱衆生即違佛，行者衆生與諸佛，菩提于中爲貫穿；善相續者得成佛，是故當發菩提心。菩提心月三摩地，金剛心杵五智具，光明收放通聖凡，諸佛十力與五智，光被我身生勝解，我身智力傳于衆，令衆成佛我啟請。衆生所作多屬罪，

願代懺悔攝入我，我攝諸罪化成光，此光供佛我啟請。文殊歷劫所集智，智光入我生勝解，我以智劍授于衆，令除愚癡我啟請。充滿一切有情心，恆順一切有情意，令諸有情心歡喜，由智顯悲我啟請。觀音歷劫所集悲，化光入我生勝解，我以悲心代衆苦，令衆解脫我啟請。了知衆生之心思，轉變衆生之心識，開顯衆生之心性，由悲顯智我啟請。大勢歷劫所集力，化光入我生勝解，我以大力除衆魔，令衆離苦我啟請。能拔衆生魔入因，能除初修道上障，能與行者十力果，力顯悲智我啟請。東方有佛名不動，喜悅淨土具衆德，忍見衆生常散亂，我代衆求證不動。南方有佛名多寶，具德淨土平等心，忍見衆生沈慳貪，我代衆求證多寶。西方有佛無量壽，極樂淨土壽自在，忍見衆生無常苦，我代衆求無量壽。北方有佛不空成，勝業淨土大事業，忍見衆生墮頑空，我代衆求不空成。中央毗盧遮那佛，奧明淨土法體性，忍見衆生忘本性，我代衆求證法身。如佛意旨行淨土，咐囑于我行娑婆，乃至遍行六凡界，如佛意旨我啟請。佛圓鏡智入我心，我心智光入于衆，令衆顯智去瞋恚，復用大瞋以供佛。佛平等智入我心，

我心智光入于衆，令衆顯智去驕慢，復用大慢以供佛。佛妙觀智入我心，我心智光入于衆，令衆顯智去貪染，復用大貪以供佛。佛成作智入我心，我心智光入于衆，令衆顯智去嫉妒，復用大嫉以供佛。佛體性智入我心，我心智光入于衆，令衆顯智去愚癡，復用大癡以供佛。地大黃色空行母，以地精華入我身，令我充實能生力，此力出生衆菩提。水大白色空行母，以水精華充我身，令我充實滋潤力，此力開敷衆菩提。火大紅色空行母，以火精華充我身，令我充實熱誠力，此力成熟衆菩提。風大綠色空行母，以風精華入我身，令我充實轉輪力，此力運轉衆菩提。空大藍色空行母，以空精華入我身，令我充實體性力，此力圓成衆菩提。父佛母佛慈眼照，照見我心照見衆，照見業因及業果，照見體性本自空！天道五衰苦現時，任落一道苦更多，如是天苦攝我心，佛慈令轉寶生佛。修羅疑嫉殺伐苦，任落一道苦更多，如是彼苦攝我心，佛慈令轉不空佛。人道雜染二障苦，不久將墮于三道，如是人苦攝我心，佛慈令轉寶生佛。畜生愚癡殺害苦，展轉增盛苦更多，如是畜苦攝我心，佛慈令轉不動佛。餓鬼飢渴膿血苦，